



AR PILLAOUER

TON ANAVEZET

Va zad en deus va dimezet
 Da ur flerius pillaoer (*bis*)
 E Loqueffret e zeo ganet
 E comanann Toulalaer!
 Fœï, Fœï, var va zamik aotrou (*bis*)
 Gant he stoub hag he billou.



Tri deves goude va euret
 Enn ur gav foar Landerne (*bis*)
 Ha va lapous prim difunet,
 Ha zav er mez deus he vele.
 Fœï, Fœï, var va zamik aotrou (*bis*)
 Gant he stoub hag he billou.

Draila ra eun anter Pater,
 Tana ra he gorn butun (*bis*)
 Tapout he ra he grog pæzer,
 Evit mont var ent Sizan.
 Fœï, Fœï, var va zamik aotrou (*bis*)
 Gant he stoub hag he billou.

Gant-han n'ur gav camaradet
 Eun ur vont da billaoua (*bis*)
 Ho holl arc'hant eun deus fœtet,
 Ha tam pillou n'en d'he oa.
 Fœï, fœï, var va zamik aotrou (*bis*)
 Gant he stoub hag he billou.

H 28 00.78 B

— 2 —

Pa oa eun anter nos sonet
 Enn Iliz vras ar Fouille (*bis*)
 Me oa un intanves glac'haret
 Va unan bars emm guele,
 Fœï, fœï, var va zamik aotrou (*bis*)
 Gant he stoub hag he billou.

Mont hera d'ar velin paper
 Gant ur zac'hadic pillou. (*bis*)
 Kals buhanoc'h eget ur ler,
 Rak presset eo an dellou.
 Fœï, fœï, var va zamik aotrou (*bis*)
 Gant he stoub hag he billou.

Na pas zistro d'ar goumanant,
 Raktal he zav un tam croz (*bis*)
 E pelec'h he man da arc'hant
 Me gred he mehin e da gov.
 Fœï, fœï, var va zamik aotrou (*bis*)
 Gant he stoub hac e billou.

Pa za Yanik d'ar pardonioù,
 Bepred ha ve mezo dall (*bis*)
 Prest he voa da goll he vragou,
 E Loqueffret en deiz all.
 Fœï, fœï, var va zamik aotrou (*bis*)
 Gant he stoub hag he billou.

Pa zeuio ar c'hiz er vro-ma
 Da derri an dimeziou (*bis*)
 Me ha iello eun ur gana,
 Pell deus potret ar pillou.
 Fœï, fœï, var va zamik aotrou (*bis*)
 Gant he stoub hag he billou.

— 5 —

Pa zeui karigel ann ankou,
 D'ober he dro er vro-man (*bis*)
 Me ha guerso var he roudjou
 Hag er pedo d'er zamman.
 Fœi, fœi, var va zamik aotrou (*bis*)
 Gant he stoub hag he billou.

Ha pann d'ho ann ankou boutet
 Toul ar flerius pillaouer (*bis*)
 Me ha guerso d'en lavaret
 Da gomanann Toulalaer,
 Maro eo va zamik aotrou (*bis*)
 Var he stoub hag he billou.

Pa vo gret ann interamant.
 Gant ar paourkez pillaouer (*bis*)
 He vo kavet ialc'h arc'hant,
 He zac'h pillou, he grog pœzer.
 Maro eo va zamik aotrou (*bis*)
 Var he stoub hag he billou.

Red-vo-coms d'ann Aotrou Person
 Deus ar paourkez pillaouer (*bis*)
 Ma vo canet ar Liberon,
 Hag ouspen-ze lip he rer !
 Maro eo va zamik aotrou (*bis*)
 Var he stoub hag he billou !

FIN.

Propriété de l'Éditeur.